

Na osnovu člana 33. Statuta općine Doboј Istok ("Službene novine općine Doboј Istok", broj: 05/08) i člana 9. Odluke o utvrđivanju kriterija za dodjelu stipendija redovnih studenata ("Službene novine općine Doboј Istok", broj: 02/15 i 2/18), Općinski načelnik općine Doboј Istok, na prijedlog Komisije za mlade Općinskog vijeća Doboј Istok raspisuje

**KONKURS  
za dodjelu stipendija redovnim studentima dodiplomskog studija  
za akademsku 2020/2021. godinu**

I

Raspisuje se konkurs za dodjelu 15 (petnaest) stipendija redovnim studentima dodiplomskog studija u akademskoj 2020/2021. godini u ukupnom iznosu od po 1.000,00 KM po studentu.

II

Pravo na stipendiju imaju redovni studenti koji ispunjavaju sljedeće uslove:

- da su državljeni Bosne i Hercegovine,
- da imaju prebivalište na području općine Doboј Istok,
- da se školuju na univerzitetima u Bosni i Hercegovini,
- da ne primaju stipendiju od drugog davaoca
- da su u tekućoj akademskoj godini prvi puta upisali određenu nastavnu godinu i
- da nije stariji od 30. godina.

III

Uz zahtjev je potrebno da studenti prilože sljedeće dokaze:

a) obavezni dokumenti

1. Uvjerenje o državljanstvu,
2. Dokaz o prebivalištu (CIPS prijava),
3. Uvjerenje da je kandidat redovan student,
4. Dokaz o završenim prethodnim razredima srednje škole (za studente prve godine),
5. Uvjerenje o položenim ispitima sa ocenama i izvedenom procječnom ocjenom za prethodnu godinu,
6. Uvjerenje da je prvi puta upisao određenu akademsku godinu studija i
7. Ovjerena izjava da nije korisnik druge stipendije,

b) dokumenti na osnovu kojih kandidatu pripadaju bodovi

1. Uvjerenje da je iz uže porodice šehida i poginulih boraca,
2. Uvjerenje da je iz uže porodice RVI-a,
3. Uvjerenje da je iz uže porodice demobilisanih boraca
4. Uvjerenje (dokaz) da je student iz porodice korisnika socijalne pomoći,
5. Dokaz (izvod iz matične knjige umrlih) da je student bez roditeljskog staranja (bez jednog ili oba roditelja)
6. Uvjerenje da je iz uže porodice civilnih žrtava rata (JU Centar za socijalni rad Doboј Istok),
7. Uvjerenje o prosjeku plaće, penzije ili ostalih primanja za 2020. godinu (za sve članove domaćinstva koji ostvaruju primanja),
8. Uvjerenje od službe za zapošljavanje za nezaposlene članove domaćinstva ili drugi odgovarajući dokument,
9. Uvjerenje o prihodima u 2020. godini od Poreske ispostave Doboј Istok (za sve članove domaćinstva koji ostvaruju primanja),
10. Dokaz o osvojenim nagradama na međunarodnom, državnom, federalnom ili kantonalm takmičenju iz prethodne školske godine samostalno ili ekipno (u školi i sportu),
11. Dokaz o priznanjima u srednjoj školi (učenik generacije) i fakultetu (srebrena i bronzana plaketa),
12. Izjavu o zajedničkom domaćinstvu (kućna lista).

IV

Zahtjevi sa potrebnom dokumentacijom dostavljaju se Komisiji za mlade Općinskog vijeća Doboј Istok, a predaju se na protokol općine Doboј Istok u Klokotnici ili šalju se poštom preporučeno.

**Svi dokumenti koji se traže u konkursu treba da budu u originalu ili u ovjerenoj kopiji.**

V

Konkurs ostaje otvoren u periodu od 15.03. – 31.03.2021. godine, a objavit će se na web stranici [www.opcinadobojistok.ba](http://www.opcinadobojistok.ba), oglasnoj tabli općine Doboј Istok i dostaviti će se svim mjesnim zajednicama na području općine Doboј Istok.

VI

Nepotpuni i neblagovremeni zahtjevi neće se uzeti u razmatranje.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
Općina Doboј Istok  
OPĆINSKI NAČELNIK  
Broj: 01-34- SC-721  
Datum, 11.03.2021. godine

